

Broj: 0101- 13053-1/24
Sarajevo, 18. 12. 2024. godine

Univerzitet u Sarajevu
N/r dekana/direktora
N/r prodekana za nastavu

Predmet: Interni poziv za učešće u prvom ciklusu TRAIN programa u akademskoj 2024/2025. godini

Poštovani dekani/direktori,
Poštovani prodekani,

TRAIN Program se na Univerzitetu u Sarajevu uspješno realizuje od septembra 2013. godine. Inicijalnu finansijsku podršku realizaciji Programa obezbijedila je Fondacija kralja Baudouina, dok je Univerzitet u Sarajevu preuzeo njegovo finansiranje od 2018. godine. Kurikulumi pojedinačnih modula Programa razvijeni su u saradnji sa EU partnerima, te naknadno unaprijeđeni u skladu sa BiH kontekstom visokog obrazovanja sa osvrtom na specifičnosti oblasti koje se tretiraju.

Polaznici ovog Programa kroz ponudu od devet modula dopunjuju znanja i vještine iz tri oblasti važnih za cjeloživotno učenje i usavršavanje akademskog osoblja: 1. Nastavničke kompetencije kako bi svaka organizacija unutar univerziteta postala organizacijom koja uči, 2. Metodološke kompetencije u kontekstu novih zahtjeva za vještinama projektiranja istraživanja na zajedničkom prostoru europskog visokog obrazovanja i 3. Preduzetničke kompetencije koje svaku organizaciju visokog obrazovanja pretvaraju u privrednog subjekta spremnog za samoodrživost.

TRAIN Program predstavlja Program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu. Pravo učešća u Programu ima akademsko osoblje Univerziteta u Sarajevu u saradničkim/nastavničkim zvanjima. Nakon uspješno absolviranog Programa Univerzitet u Sarajevu učesnicima izdaje certifikat, koji ujedno služi i kao dokaz o minimumu pedagoškog obrazovanja kandidata.

Poziva se akademsko osoblje Univerziteta u Sarajevu u saradničkim/nastavničkim zvanjima da se prijavi za učešće u prvom ciklusu TRAIN programa u akademskoj 2024/2025. godini koji je planiran da se realizira u januaru/februaru 2025. godine. Više detalja u vezi sa prijavom dostupno je u okviru Internog poziva koji je objavljen na web stranici Univerziteta u Sarajevu (www.unsa.ba). Rok za podnošenje prijave za učešće u prvom ciklusu je ponedjeljak, **13. 1. 2024. godine**.

Ovim putem vam se obraćamo molbom da ovaj dopis učinite dostupnim vašem akademskom osoblju u saradničkim/nastavničkim zvanjima, kao i da zainteresiranim kandidatima vaše članice omogućite učešće u TRAIN programu.

S poštovanjem!

Dostaviti:

- Naslovu
- Generalnom sekretaru
- U dokumentaciju Službe za NIR, TRAIN Program
- a/a



PROREKTOR

Dženana Husremović
Prof. dr. Dženana Husremović